



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

Sectio II. De incendiarijs & violatoribus Ecclesiarum.

[urn:nbn:de:hbz:466:1-61641](#)

delegatae etiam illius potestatis à Magistris culaco, modò punitio non requiriat pénam sanguinis, ex c. in Archiepiscopatu 4. b. t. patet, præsertim si delegatio talis fiat à Principe laico in favorem Ecclesiarum, ac salutem animatum: si tamen mixti fori crimen sit, non tantum ex vi factæ sibi delegationis, sed ex ordinaria sua iurisdictione spirituali iudicare, & punire illud potest Episcopus.

SECTIO II.

De incendiariis & violatoribus Ecclesiarum.

§. I.

De incendiariis & eorum pénis.

Incendiarii propriè dicuntur illi, qui datâ operâ apposito igne, scientes, & prudentes civitatem, domum, aut prædium alienum &c. incendunt, sive turbanum hoc sit, sive rusticum, sive ex odio & vindicta, sive ullo dolo male hoc faciant, aut mandatum, vel auxilium &c. ad hoc faciendum præstent, nisi belli iura tales excusent. Pénæ autem, quas incurunt hi incendiarii, de iure civili sunt pénæ capitis vel exilii, vel levior etiam castigatio, iuxta leviores fortassis culpam, aut negligentiam admissam &c. De iure verò Canonico incendiarii sacerorum locorum sunt ipso iure excommunicati *Can. Canonica 107. caus. 11. q. 3.* à solo Papa absolvendi post

eorum denunciationem factam c. *Tuæ nos 19. de sent. excommunicata.* aliorum verò ædificiorum non sacerorum incendiarij, sicut & mandantes, & qui auxilium illis præbent, præter damni dati restitutionem, sunt per sententiam *Judicis excommunicandi Can. si quis 31. caus. 23. q. 8.* Et nonnunquam etiam privantur sepulturâ Ecclesiasticâ, nisi in morte pénitentes & absoluti moriantur. c. in litteris s. b.t.

§. II.

De violatoribus Ecclesiarum, & eorum pénis?

Violatores Ecclesiarum, híc dicuntur, qui Ecclesias, vel alia loca religiosa & pia violenter effringunt, ac spoliant. In quos pénæ excommunicationis latæ sententiae statuta est. c. *Conquesti 22. de sentent. excommuni.* Neque sunt admittendi ad pénitentiam, si manifestè fuerint deprensi, nisi prius damna reficiant, vel de illis caveant, aut sint in articulo mortis constituti, ita tamen ut ad pénitentiam tum quidem admittantur, Clericis tamen prohibitum sit, eorum interesse sepulturis, aut eleemosynam ab illis accipere, sub pénâ depositionis ab ordine, & privationis beneficiorum, prout etiam de raptoribus statutum est, juxta cit. c. supra eo, &c.

(80) 80

TITV.